

## *Kitabu cha Mwenyezi Mungu*

BISMILA-HIR RAHMA-NIR RAHIM

Je, Biblia ni Neno lake Mwenyezi Mungu?

Je, Biblia yaweza kutegemewa? Je, hilo ni Neno litokalo kwake Mwenyezi Mungu? Haya ndiyo maswali ambayo mara kwa mara tunaulizwa na watu wengi siku hizi, hata na Waislamu wanauliza swali hili muhimu.

Hivi twawezaje kufahamu? Je, Maandiko ya Biblia yameteremshwa kweli kutoka kwa Mwenyezi Mungu? Kabla hatujatafuta majibu namwomba msomaji apeleke dua yake kwa Mwenyezi Mungu, kwa maana Mwenyezi Mungu ajua vizuri sana. Yeye atatoa jibu ambalo watu walio wa kweli wanauliza kwa moyo mnyofu ulimwenguni kote! Sikuzote Mwenyezi Mungu atajibu maswali yaliyoulizwa kwa moyo mnyofu kama hilo iwapo ombi linatoka katika kilio cha kweli cha kujua ile kweli.

Wakati mwingine twaweza kupata majibu ya swali kwa kuuliza swali jingine, 'Je, Nabii Mstahiki Muhammad alivionaje Vitabu Vitakatifu vya Maandiko ya Biblia?' Alilijibu swali hili mtu huyu Mstahiki kuhusu "Taurati" na "Injili" [Maandiko ya Biblia]? Tunamwomba msomaji kuigekua Kurani Tukufu na kupata aya zifuatazo:

Sura 2:53

002:053 "Na (kumbukeni) Tulipompa Musa Kitabu (kilichokusanya kila wanayoyahitajia) na cha kupambanua baina ya yaliyo ya haki na yasiyokuwa ya haki ili mpate kuongoka." 2:053 A.-Baqara

Sura 3:3 "Amekuteremshia Kitabu kwa haki, kinachosadikisha yaliyokuwa kabla yake. Na aliteremsha Taurati [ya Musa] na Injili. [ya Yesu]. Zamani - ziwe **uongozi** kwa watu. Na akateremsha vitabu vingine vya **kupambanua** baina ya haki na batili. 003:003[-004] Aali Imran

Kurani Tukufu inataja kanuni moja tu ya **kupambanua** katika Hukumu, na hiyo ni Maandiko Matakatifu, Taurati. Katika Taurati tunaona msingi wa Hukumu, uitwao Amri Kumi. Huu ndio msingi wa serikali ya Mbinguni. Unapatikana katika (Taurati) Kutoka sura ya 20:1-17.

021:048 'Na kwa yakini tuliwapa Musa na Haruni (kitabu kilicho) kipambanuzi na **mwanga** na **mauidha** kwa wacha – Mungu.' 21:048 Al-Anbiyaa

Kurani Tukufu yatuambia kwamba Taurati ni Mwanga na Mauidha (Ujumbe) kwa wacha–Mungu. Anathubutuje, basi, mtu awaye yote kuyadharau mauidha haya? Je, lisingekuwa jambo la kutisha kutoa mawazo yasemayo kwamba Taurati si Neno lake Mwenyezi Mungu?

Sura 10:094 "Na kama unayo shaka juu ya hayo tuliyokuteremshia, basi waulize wale wasomao vitabu [Maandiko ya Biblia] kabla yako (Myahudi na Manasara wale waliosilimu). Kwa yakini haki imekwisha kukujia kutoka kwa Mola wako, kwa hiyo usiwe miongoni mwa wanaofanya shaka." Sura 010:094 Yunus

Hapa katika aya hii Mstahiki Muhammad amewaambia wasomaji "kuwauliza" wale ambao wamekuwa wakisoma Kitabu (Maandiko ya Biblia) kabla yao. Kwa nini Nabii huyu Mstahiki anayaelekeza mawazo yetu kwa wale wanaoiheshimu Biblia, isipokuwa kama alijua tu kuwa walikuwa sahihi?

Sura 005:044

'Hakika tuliteremsha Taurati yenye **uongozi** na **nuru**; ambayo kwayo Manabii waliojisalimisha (kwa Mwenyezi Mungu) waliwahukumu Mayahudi: na watawa na maulamaa pia (walihukumu kwa hiyo Taurati), kwa sababu walitakiwa **kuhifadhi Kitabu** (hicho) **cha Mwenyezi Mungu**; nao walikuwa mashahidi juu yake. Basi (ninyi Waislamu) msiwaogope watu, bali niogopeni (mimi). Wala msibadilishe Aya zangu kwa thamani chache (ya duniani). Na wasiohukumu kwa yale aliyoteremsha Mwenyezi Mungu, basi hao ndio makafiri.' Sura 005:044 Al Maida

Hizi ni baadhi tu ya sura nyingi zilizoorodheshwa katika Kurani Tukufu zishuhudiyo kuwa Taurati na Injili viliteremshwa kutoka kwa Mwenyezi Mungu na ni kwa ajili ya watu wote (Binadamu). Hapa hata inaaita Taurati kuwa ni "Kitabu cha Mwenyezi Mungu".

Baadhi ya watu wangependa kutoa hoja zao kwamba Biblia imebadilishwa na kuchafuliwa, yaani, kwamba haiwezi kutegemewa tena? Kwa usemi huo, twauliza swali rahisi. Kama Biblia ilikuwa imebadilishwa kabla ya kipindi cha Muhammad kwa kiwango ambacho isingeweza kutegemewa tena, basi, kwa nini Nabii huyu Mstahiki aliyaelekeza sana mawazo ya watu kwenye [kitabu] hicho? Je, Mwenyezi Mungu angemwelekeza Nabii huyu Mstahiki kwenye kitabu hiki cha uongo kilichoachafuliwa? Hasha! hili huonesha tu kwamba Maandiko ya Biblia yaliaminika katika kipindi kile cha Muhammad.

Hivyo, basi, endapo Maandiko ya Biblia yangukuwa yamechafuliwa tangu kipindi kile cha yule Nabii Mstahiki, basi yako wapi maandiko ya mkono ambayo ni ya kweli? Hakuna hata mmoja aliyeweza kuonesha maandiko ya mkono kama hayo kwa sababu hayako. Maandiko ya Biblia yale yale yaliyokuwako wakati wa Muhammad ndiyo yale yale ambayo bado yanapatikana leo. Kumbuka kwamba Mwenyezi Mungu anaweza kuyahifadhi Maneno yake yasichafuliwe ili mwanadamu leo apate kuyajua Mapenzi ya Mwenyezi Mungu. Zaidi ya haya yote, nani angeweza kufanya kazi ngumu ya kuyatafuta maandiko yote ya mkono ya Biblia na kuyakusanya pamoja ili kuyabadilisha au kuyafanya ya uongo? Fikiria kwa makini sana juu ya jambo hili mpendwa msomaji!

Mauidha yaliyo katika Injili bado yanadumu kuwa ya kweli leo. (Injili) Mathayo 4:4 'Yesu [Isa al-Masih] akamjibu, Imeandikwa ya kwamba mtu hataishi kwa mkate tu, (ila kwa **kila neno la Mungu** (Allah).'

Kwa salama sisi twaweza kuliamini Neno lake. Ninao ushuhuda wangu binafsi kuhusu kile Neno la Mwenyezi Mungu, yaani, Biblia, lilichonifanyia mimi. Kujifunza Kitabu hiki hubadilisha maisha. Katika kurasa za Kitabu hiki (Maandiko ya Biblia) umo uwezo, yaani, nguvu inayotolewa kwa wale wanaotumia muda wao kufahamu yaliyomo. Mabadiliko yanaonekana dhahiri. Kwake yeye anayetii Maneno haya ya Mwenyezi Mungu atagundua kwamba mtu anapata mwonjo mpya, mawazo mapya, hisia mpya, makusudi mapya yatakayoyaongoza maisha yake. Haya yote hutokea unapomtii Mwenyezi Mungu na Neno Lake aliloliteremsha hapa chini.

(Injili) Yohana 6:63 'Roho ndiyo itiyayo uzima, mwili haufai kitu; **maneno** hayo niliyowaambia ni **roho**, tena ni **uzima**'. Isa al-Masih alisema waziwazi ya kwamba maneno hayo ni 'roho' na tena ni 'uzima'.

# Kitabu cha Mwenyezi Mungu

Sura 5:44  
Al Maidah

(Injili) 2 Timothyo 3:16-17 "Kila andiki, lenye pumzi ya Mungu, latara kwa mafundisho, na kwa kuwaonya watu makosa yao, na kwa kuwaongoza, na kwa kuwaadibisha katika haki; ili mtu wa Mungu awe kamili, amekamiihisha apate kutenda kila tendo jema."  
(Taurati) Isaya 40:8 "Majani yakauka, na lanyauka; Bali Neno la Mungu [Allah] wetu litasimama milele";  
Neno La Mwenyezi Mungu kama hivyoandikwa katika Taurati na Injili ndicho "Kipimo", kinachooneshwa kama Mjumba huyo anafundisha au hafundishi kwele.  
(Taurati) Isaya 8:20 "Na wende kwa Sheria na Ushuhuda; ikiwa hawasemi sawasawa na Neno hili, bila shaka kwa hao hapana asubuhi."

Aya zimenukuliwa kutoka *DivineIslam's Qur'an Viewer software v2.913*

Mandiko ya Biblia yanatoka katika Toleo la King James (KJV)

Kwa maelezo zaidi: [www.salahallah.com](http://www.salahallah.com)

Wenye hekima kutoka Mashariki wa zama za kale waliiona thamani ya Neno lake Mwenyezi Mungu. (Taurati) Ayubu 22:22 "Uyapokee, tafadhali, mafunzo (Taurati) yatokayo kinywani mwake, na maneno yake yaweke moyoni mwako."  
Tena Ayubu mtu yule mwenye hekima wa zamani anatumbia sisi kwamba ... "Sikurudi nyuma kuiacha amri ya midomo yake: **Ninyatunza maneno ya kinywa chake zaidi ya riziki yangu**" (Taurati) Ayubu 23:12.

Hauhitaji kuwa na hofu kwamba Neno la Mwenyezi Mungu lingeweza kuchafuwa. Je, Mwenyezi Mungu si ana uwezo usio na kikomo? Je, hawezi kutegemewa kuwa atahitfadih Neno lake leo kwa ajili yetu hapa duniani? Ikiwa Mwenyezi Mungu amaweza kuzihitadihi nyota zinazozunguka katika ukanda wake na kuhitadihi mamihoni yasiyohesabika ya nyota zinazokwenda kwa kasi mbalimbali zisigongane, basi, ni jambo rahisi jinsi gani kwamba Yege pia aweze kulihitfadihi Neno Lake aliohitemsha chini, ikiwa kamili kabisa. Ni kwele hili ni jambo rahisi kwa Mwenyezi Mungu.

"Na yametima maneno ya Mola wako kwa kwele na uadilifu. **Hakuna awezaye kuyabadilisha maneno Yake.** Na Yege ndiye asikaye" 6:115 Al An-am  
Kwa bahati mbaya wengi wamehitangua Neno la Mwenyezi Mungu kwa mapokeo waliyopokea yasiyo na msingi wote katika vile Vitabu Vitakafu. Tunaitaji kuwa waangalifu sana mautiha haya yasiye yakatuhusu na sisi ... (Injili) Marko 7:13 "Huku mkhitangua Neno la Mungu kwa mapokeo yenu mliyopokeana; tena mwanafanya mambo mengi yaliyo sawasawa na hayo." Maneno haya ya onyo yatokayo kwa Isa al-Masih yanatuhusu sisi pia kama wale wa siku zile. Hebu na tulizingatie onyo hilo. Siku ile itakuwa ya kutisha jinsi gami tukijikuta tumeyatangua Maneno ya Mwenyezi Mungu!  
Rafiki zangu, sasa kuliko wakati mwingine wote uliopita mi wakati wa kuliizingatia kwa njia ya pekee ile Neno liliitoremshwa kwetu (Taurati na Injili). Kila siku maneno yake yazame ndani kabisa ya moyo yetu. Mwenyezi Mungu na ayabadilishhe maisha yenu ili ninyi pia mweze kutoa ushuhuda kwamba kwele haya ni Maneno yatokayo kwa Mwenyezi Mungu ... na ya kwamba yanaweza kutayarisha sisi kukabiliana na siku za usoni bila ya kuogopa.

Mfuluzo na. 08

Rudolf Martyn